


- 3) TEBOKIA N TAIN TE RIRINGA
- 4) BEEN AKANA MOAN TEBERAKE TABERAIA BON
NGAIA AIKA A MOA N TAMAROA AO NI MAIURAOI
N BEBE, AKANA IMWIINA A BUAKAKA AO AKI TAU
IBUKIN TE AROKANAKI
- 5) TAI UNIKII KABWEBWE AIKA A MOAN BWEBWE
NGKANA A AKI BATI N MAIURAOI. KABWEBWE AI-
KA A BWAOUA, IRARIKI AO N TARABUAKA BAIA KE
A BABOOCO AKI TAU NABA N TE AROKANAKI

6. UNIKAKINA

E A TIBWA KONA NI KARAOAKI TE TABETABE NAKON
TE UTO NGKANA E A MATOA RAOI, KE NI KORO TENI-
BA (3) BAANA MAI MWIIN BWEBWERAKENA. IMWAIN
TABEKANA AO KARAU TEBOKA AM NIBWA NI KAM-
WAIMWAKIA N TE RAN. TE TABETABE E BON TI KONA
NI KARAOAKI INANON TAIN TE KAKARAU KE TE
BWAKANTAANI NI MARAUN TAAI BWA E NA AKI ROTAKI
TE AROKA N TE KABUEBEU AO MAN TIAOKI



7. TE TARARUA

ARON TARARUAN AROKAM BWA E AONGA N TEI-
MATOA MAIUNA NI KONA N ANGANAICO UAANA AE
TAMAROA

i) TE RABURABU

KABONGANAN TAIAN MANGE N ARON TE EWANIN,
BANIKAI, AROKA AIKA AKI TANGIRAKI AO TIIN; A KONA
NI KABONGANAKI BWA TE BWAI N RABURABU BWA E
AONGA N REKE TE AMWARAKE AO NI MWAITORO OIN
TE AROKA. A BUOKA NABA KATAMAROAN TE TANO
MAN MKAN TE AMWARAKE AO A KAMATENTENA
NABA TE BON

ii) TE KABUEBEU

NI KATOA KABUEKAKIN TE TANO AO A BON BUE AM-
WARAKE AKE A MENA N TE TANO AO E A ONIKAKI TE
BON NAKON TE TANO MAI. TE BWAI AE RIAI NI
KARAOAKI BON KATUKAKIN MANGE N MKA N TE ARO
BWA ANA AKI RORO NAKO N TE TAI AE WAEKOA

N ARON AE ATAARI BWA TE BON ARE TE IAAN URI BON
TE BON AE RANG TAMAROA, AO E REKE ANNE BWA
BAAN TAIAN URI AIKA TIKU NI MKA IAAN TE URI MAN
AKI KABUEKAKI



IBUKIN RONGORONGONA AE BANIN AO

TAREBOONIIA : 28108

AGRICULTURE & LIVESTOCK DIVISION

TANAEA

TARAWA

UNIKAN TE NII



IBUKIN TE REITA N MAIU

TE MANGA UNUNIKI

E NA BUOKIIA TAAN OROBEN MA AOMATA AKE A NANO IBUKIN MANGA KATAMAROAN RIKI AIA BUAKONIKAI AO KARIKIRAKEAN MANGA UNIKAN TE NII

- I. RINEAN TE TABO N UNUNIKI
- II. KARAOAN TE NIBWA
- III. MARANGAN TE NIBWA
- IV. RINEAN TE TINA N NII MA UAANA
- V. RINEAN TE KABWEBWE

1. RINEAN TE TABO N UNUNIKI

RINEAKIN UNIKAKIN TE TABO AE BOOU AO E RIAI N TARAARI RAOI BWA TE TABO AE TAMAROA IBUKIN TE UNUNIKI. IAI TAABO TABEUA AE AKI MATERAOI TE UNUNIKI IAI, AI NGAIA AE TAI KABANEA AM TAI IAI, E NGAE NGKE KO KABANEA KORAKORAM IAI MA E NA BON MATEBUAKA AM MWAKURI IAI.


TABO AIKA ANA TOTOKOAKI TE UNUNIKI IAI:

- AABA AIKA MWAIMWAI N ARON TAABO AIKA A NEINEI IAAN TE ABA KE TE NEINEI AE MENA IAON TE ABA
- TAABO AIKA KIRI-ATIBU N IKOTAKI MA TE BWA NI KAN MA AAN TE ABA
- N AI UNUNIKI IRARIKIN TE BIKE MA KATUKA 10 TE RANGATA N WAE (10 MIITA) TE BUAKOAKO BWA TUKAN TE ANG MA TE BURURU N NAO

2. KARAOAN TE NIBWA

TE UTO AE UAREREKE BON TI TEBO MA TE ATAEI AE UAREREKE - NGKANA KO KAMWARAKEA RAOI INANON UAREREKENA AO E NA BON MAIURAOI INANON RIKIRAKENA NGAIA ARE KANOAM NIBWA N AMWARAKE AIKA TIRAUAI AIKA E KAINANOI TE UTO. ARON KENAKIN; KAWAKINA TE TANO RO (*te tano are mai ieta*) AO KARENAKOA TE TANO MAIL (*te tano are iaan te tano-bon ae akea te amwarake iai*)

KENNA N NANONA AO RABABANA AE TEUANA (1) TE MIITA, AO KAMWARAKEA N ARONA AE OTI N TAMNEI INANO:



3. MARANGAN TE NIBWA

TE NII E TANGIRA MWAWAWANA RAOI N TE ARO ARE E NA AKI UNEAKINA KANANA MA NIMANA MAN TE TANO AO OTAN TAAI NABA. AIKAI TABEUA KANGANGA NGKANA E IBETUTU TE AROKA:

- * E NA KORAKORA TE KAIANGATOA IBUKIN UNEAKINAN TE AMWARAKE AO TE RAN
- * E NA KORAKORA UNEAKINAN OTAN TAAI AO TOKINA ANA IRARIKI AO MAN AKI MAIURAOI
- * 9 M MARANGAN TE KAINA AROKAM NAKON TE KAINA

NII AIKA TEIRAKE BAAIA AO AKI WENE BON KANIKINAEAN NII AIKA AKI UA RAOI. KARAOA TE BUMARENA NAKON TE NII KE TE AROKA AKE A RIBWARIBWA NAKON ARE KANTANINGAAKI IBUKIN MARANGAN TE AROKA. TE MARANGA AE 9 m KE 30 te butu E BONI MWAAWA RAOI IBUKIN TE AMWARAKE MA TE RAN AO AI OTAN TAAI NI KONA N REKE IROUN TE NII ARE E NA KAINNANOIA NI KAROKOA TOKIN MAIUNA

4. RINEAN TE TINA N NII MA UAANA

BWAAI AIKA A KAKAWAKI IBUKIN RINEAN TE AROKA AE TE KABANEA N TAMAROA MAN TE BEN N ARON AIKAI:

- 1) E NA RIAI N TIKIRAOI TAMANA MA TINANA
- 2) RINEI AROKAM MAN NII AIKA TENA NI KABANEA N TAMAROA UAIA
- 3) KATABOROI MWAITIN AROKAM MAN AM MWAITI ARE KO ANAI IBUKIN AROKAM. (*Katoto ngkana ko tangirii 5 te nii ao karekea 10 am ben*)

5. RINEAN TE KABWEBWE

E KAKAWAKI BWA KO NA RINEA TE KABANEA N TAMAROA NI BEN IBUKIN UNIKAKINA BWA E AONGA N REKE AM NII AIKA A KABANEA N TAMAROA AO MAN TIRAUAI NABA UAANA. UNIKA ARE TE KABANEA NI MAIUREIREI N NII IBUKON AM KABWEBWE AKE A BWEBWERAKE

ARON TE KABWEBWE:

- 1) KOREA EWANININ TABONA N TE TABO ARE E NA BWEBWE IAI
- 2) KAWENEA INANON AM TABO NI KABWEBWE AO RABUNNA N TE RIN KE TE MKA NI INAAI

